

中華郵政掛號立券按照總包寄送之報紙

中華民國十八年十一月五日

星期二

第叁壹貳號

大正七年十二月卅 收到

國民政府公報

國民政府文官處印鑄局印行

革命尚未成功

總理遺像



同志仍須努力

總理遺囑

余致力國民革命，凡四十年，其目的在求中國之自由平等。積四十年之經驗，深知欲達到此目的，必須喚起民眾，及聯合世界上以平等待我之民族，共同奮鬥！

現在革命尚未成功，凡我同志，務須依照余所著：建國方略，建國大綱，三民主義，及第一次全國代表大會宣言，繼續努力，以求貫徹！最近主張開國民會議，及廢除不平等條約，尤須於最短期間，促其實現！是所至囑！

目錄

法規

考績法

令

國民政府令 (公布考績法)

國民政府令 (任免職官令七件)

訓令

第一〇六九號 令行政院

(據駐哈旅俄中華商會聯合會呈據僑民陳德才聲述蘇聯政府虐待僑胞慘情仰轉飭外交部嚴重抗議由)

第一〇七〇號 令財政部

(迅即如數撥發呂副總指揮煥炎軍費五十萬元由)

第一〇七一號 令財政部

(電催粵稅務司赴日逕行撥發廣東治河委員會治河經費由)

第一〇七二號 令財政部

(據總理陵園管理委員會呈送總理陵墓拱衛處官長遣散費預算書仰查照由)

號一〇七四號 令行政院

(關於鐵道部長孫科航政方針第一條之附帶解釋一案經政治會議通過仰遵照并轉飭遵辦由)

指令

第二五一號 令行政院 (呈據農礦部呈送農產種子交換所章程草案轉請鑒核備案照准由)

國民政府公報

目錄

一

第三二二號

- 第二五二二號 令行政院 (呈據工商財政兩部提議國貨銀行官股監董產生辦法轉請核備案照准由)
- 第二五二三號 令廣東省縣長考試典試委員會委員長陳銘樞 (呈報成立典試委員會啓用關防檢附印模准予備案由)
- 第二五二四號 令內政部長兼賑災委員會委員楊兆泰 (呈復奉到賑災委員會委員特派狀由)
- 第二五二五號 令行政院 (呈據南京特別市政府呈請任命黎慶公薛慶麟爲參事及參事陳和甫另有任用已准分別任免由)
- 第二五二六號 令行政院 (呈據代理部務海軍部政務次長陳紹寬呈報隨將主席率艦出發長江上游部務交總務廳長李世甲代拆代行轉請核由)
- 第二五二七號 令 總理陵園管理委員會 (呈爲繕具 總理陵墓前拱衛處官長遣散費預算書候分別存轉由)

公函

國民政府文官處公函 第一〇三六九號 (奉頒首都警察廳印章送請行政院轉發由)

附錄

全國測量會議宣言

法規

考績法 十八年十一月四日公布

- 第一條 凡公務員之考績除法律別有規定外依本法行之
- 第二條 公務員考績之標準依其所執行之職務分別以表定之
- 考績表由考試院定之
- 第三條 公務員之考績每年分爲二次於六月十二月行之
- 第四條 公務員考績分初覈覆覈以其直接長官執行初覈主管長官執行覆覈但其長官僅有一級時即由該長官考覈之
- 第五條 初覈覆覈長官應按表列項目記載分別詳加切實考語於每次考績終了後密封彙送銓敘部審查
- 第六條 公務員執行職務因特殊情形不能依第三條之規定考績者得由其主管長官陳明銓敘部舉行特種考績
- 第七條 銓敘部於每年度終了將各次考績表審查完畢評定等級分別決定獎罰
- 前項獎罰另以條例定之
- 第八條 初覈長官覆覈長官之考覈有徇私不公或遺漏舛錯情事時應依法交付懲戒
- 第九條 本法於政務官不適用之
- 第十條 本法自公布日施行

令

國民政府令

十八年十一月四日

茲制定考績法。公布之。此令。

國民政府令

十八年十一月四日

衛生部長薛篤弼免去本職。部長職務以常任次長劉瑞恆代理。此令。

任命劉瑞恆代理衛生部長。此令。

任命林雲陔為廣州特別市市長。此令。

行政院院長譚延闓呈。據南京特別市市長劉紀文呈稱。該市政府參事陳和甫另有任用。請免本

職。應照准。此令。

行政院院長譚延闓呈。據南京特別市市長劉紀文呈請任命黎度公薛慶麟為南京特別市政府參事

。應照准。此令。

司法院院長王寵惠呈。請任命吳志廉楊璠翁浩伍文祺鈕傳椿陳逸雲為司法院秘書。應照准。此

令。

行政院院長譚延闓呈。據內政部長楊兆泰呈請任命王愷如為河南省警務處處長。應照准。此令。

訓令

國民政府訓令

第一〇六九號

十八年十一月二日

令行政院

為令飭事。案據駐哈旅俄中華商會聯合會呈稱。為呈請事。職會現駐海參崴。僑民陳德才新自草地逃回。面稱在歲華僑。自蘇聯政府對我宣佈絕交以來。即受當地官廳種種虐待。然初時猶擇肥而噬。見華僑中有房產或有商業者始捕之入獄。將其財產沒收。繼則梭巡調查。見華僑中衣服稍整潔。或面目較光潤者。即指為資產階級。亦同捕於獄中。此等被捕之人。至八月底計算。約不下五百餘人。此五百餘人在獄。皆特拘於一濕不堪之戶間。每日僅人給黑麵包四兩。惟用白水以作飲料。嗣後則又以麵湯代麵包。每日僅人給麵湯一盤。即少許麵包亦不能得。其殘酷已經當代所罕聞。不料愈演愈烈。至九月初八日以後。忽不分貧富。凡為華僑。除加入赤黨者外。一律逮捕。數日之間已達一千五百餘人。拘於地窖。暗無天日。直非人類所居之地。每日食物。并麵湯而亦無之。每人惟給以豆餅四兩。查豆餅一物。本非人類所食。即使能食。祇此四兩。亦難以充飢。其不至忍飢而死者蓋幾希矣。然猶未足以盡其虐也。此外更有令人驚心怵目者。即提審時一事。凡華僑受審時。令坐鐵椅上。言語偶有差錯。即將電機一按。人遂翻入地板下之池中。池有機輪轉動如風。屍體立碎如齏粉。隨流而入陰溝。轉入大海。此種酷刑。我華僑即或幸免。然不死於此亦死於彼。決不能榜腹以圖永存。總之。華僑今日實有朝不保夕之勢。危急已至萬分等語。查蘇聯素以橫暴稱。近來對待我無辜之華僑至於此。見者傷心。聞者酸鼻。而俄僑之在華境者。則優待如故。必其真實犯法。證據確鑿者。始加以拘留。然拘留地點。設備又非常完備。浴室飯廳無不俱備。每日供給三餐無缺。茶糖悉周。代理德領猶

時時要求優待。查駐歲德領亦受我國委託。華僑被虐至此。似不宜袖手旁觀。用特呈請政府恤念僑民轉電駐歲德領向蘇俄官廳據理力爭。為僑民延一線生機。俾得復睹鄉邦。不勝迫切待命之至等情。據此。合亟令仰該院轉飭外交部嚴重抗議。並將辦理情形具報。此令。

國民政府訓令

第一〇七〇號

十八年十一月二日

令財政部

為令遵事。案據本府文官處簽呈稱。頃准呂副總指揮煥炎世電開。現在敵部伙食將罄。又值亟需遣派部隊分赴左右兩江肅清餘孽。并出發桂全堵截張逆。行軍給養。在在需費。各部整頓候命。待款開拔。桂省軍興而後。百業停頓。稅收毫無。設無接濟。不僅部隊不能尅期出動。而且勢將斷炊。萬懇俯念邊陲瘠苦。軍務緊急。飭將總座核准撥給之五十萬元。迅速匯來。俾濟眉急而利進行。等語。理合簽呈鑒核等情。據此。應准照辦。除飭處電復外。合行令仰該部遵照迅即如數撥發為要。此令。

國民政府訓令

第一〇七一號

十八年十一月二日

令財政部

為令遵事。案據廣東治河委員會世日電稱。關於該會電請轉飭粵稅務司將月撥前治河處治河經費巡撥該會委員簽收。毋庸洋工程師簽字一案。經奉核准。閱時將及一月。而粵稅務司仍藉口未奉明文。不允照付。應請令財部嚴速令催。以維經費等情。查此案迭據該會電呈到府。業經先後飭由該部轉飭逕行照撥在案。茲據前情。該稅務司仍未照付。合亟令仰遵照迅即電催尅日逕行撥發。毋得再延。並將辦理情形具報。此令。

國民政府訓令

第一〇七二號

十八年十一月四日

令財政部
審計院

為令行事。據總理陵園管理委員會呈稱。為呈送總理陵墓拱衛處官長遣散費預算書。請予鑒核事。案奉鈞府第七九二號訓令。節將前拱衛處經費及該處官長遣散費共洋三萬一千六百八十一元四角九分先行墊發。並將遣散費六千元補遺預算呈核等因。奉此。遵即繕具拱衛處官長遣散費洋六千元預算書三份。備文呈送。伏祈鑒核。分別備案令轉。實為公便等情。據此。除指令呈件均悉候分別存轉仰即知照此令印發並分行外。合行檢發原預算書令仰該院查照。此令。

計檢發預算書一份

國民政府訓令

第一〇七四號

十八年十一月四日

令行政院

為令遵事。案准中央政治會議函開。查本會議第一百九十次會議。議決航政根本方針四條。業經咨達在案。茲據行政院函稱。據鐵道部長孫科呈稱。奉令轉國民政府令發政治會議咨送之航政根本方針。查該方針第一條所載。(甲)遵照黨綱。確立航路國有政策。凡屬港政。應歸中央主管機關主持負責施行。以昭統一。(乙)凡屬港務。如埠頭倉庫港內航行標識船塢等。均歸地方管理。惟仍應受中央主管機關所派委員指揮監督。至埠頭倉庫等之收入。應全數作為港務之用各等語。或係按照普通一般之港埠而言。若當鐵路咽喉。如將來北寧之營口。隴海之海州。勢須由各該路自行籌款建築。則其建築之後。一切埠頭倉庫航行標識船塢。似應由路局管理。仍受中央主管機關指揮監督。所有收入。除作為港務之用外。亦似應歸路局支配。至中央與路局洽商購回。再照原案乙項辦理。庶於遵照通案之中。仍寓劃清界限之意。可否即作該方針第一條之附帶解釋。准賜令行交通部備案。乞鑒核飭遵一案。經本院第四十二次會議決議通過。送請政治會議准作航政根本方針第一條之附帶解釋。特函請核示等由。據此。經提出本會議第二百零二次會議決議通過。相應錄案函達。希查照飭遵為荷等由。准此。除函復外。合行令仰該院即便遵照。轉飭遵照辦理。此令。

指令

國民政府指令

第二五一號

十八年十一月二日

令行政院

呈據農礦部呈送農產種子交換所章程草案經院決議呈國府備案照錄原件轉請鑒核備案令遵由

呈件均悉。准予備案。仰即轉飭知照。附件存。此令。

國民政府指令

第二五二號

十八年十一月四日

令行政院

呈據工商財政兩部長提議國貨銀行官股監董產生辦法三種經決議採第三種辦法概由政府遴派在案轉請鑒核備案由

呈悉。准予備案。仰即轉飭知照。此令。

國民政府指令

第二五三號

十八年十一月四日

令廣東省縣長考試典試委員會委員長陳銘樞

呈報遵令組織成立典試委員會並刊就闢防啓用檢附印模呈請備案由

呈悉。准予備案。此令。

國民政府指令

第二五四號

十八年十一月四日

令內政部長兼賑災委員會委員楊兆泰

呈復奉到賑災委員會委員特派狀由

呈悉。此令。

國民政府指令

第二五五號

十八年十一月四日

令行政院

呈據南京特別市政府呈薦請任命黎度公薛慶麟爲參事及參事陳和甫另有任用費呈履歷乞分別任免轉呈鑒核令遵由

呈悉。黎度公薛慶麟陳和甫等。已有明令照准分別任免矣。仰即知照。并轉飭遵照。此令。履歷存。

國民政府指令

第二五六號

十八年十一月四日

令行政院

呈據代理部務海軍部政務次長陳紹寬呈報隨蔣主席率艦出發長江上游部務交總務廳長李世甲代拆代行除指令准予備案外請鑒核由

呈悉·此令·

國民政府指令

第二五一七號

十八年十一月四日

令 總理陵園管理委員會

呈為遵令繕具 總理陵墓前拱衛處官長遣散費預算書請鑒核由
呈件均悉·候分別存轉·仰即知照·此令·

公 函

國民政府文官處公函

第一〇三六九號

十八年十一月一日

逕啟者現奉

國民政府頒發首都警察廳銅質大印一顆文曰首都警察廳印銅質小章一顆文曰首都警察廳廳長等
因相應函送即請

查收見復轉發領用并飭將啟用日期呈轉本府備查舊印章截角繳銷為荷此致
行政院

計送銅質印章各一顆

附錄

(參謀本部來件)

全國測量會議宣言

我國測量之術昉自周秦明於清季迄乎晚近以歐西新興之法設局做行者亦既念有餘年矣論其爲用之宏舉凡世界上一切天文地理之闡發探討與國防軍事經界警政農林水利交通鑛業諸端莫不以是爲入手初基邇當訓政肇始百廢待舉之際測量要政需求至殷其效屬間接而情非急切者姑置勿論僅計其切要各端已有不可不力求振刷者二不容不力求展拓者三焉我國疆域遼闊強鄰四接界劃之分迄未大明前清昏庸大吏因未明測量之技受俄欺陵沃野被侵幾埒四五行省如塞北東海濱省七河省等地在昔皆我故土今悉淪爲俄有辱國不由於喪師削地乃緣於測技此就國防言不可不力求振刷者一也又查關內各省田地總積約計三千萬頃每畝賦稅姑從最低額以二角計算亦應年入六萬萬元乃近年全國田賦歲收實不及前數五六分之一暗損鉅額年及五萬萬餘元而荒地變價之所入尙不在內此就經界言不可不力求振刷者二也更讀建國大綱以測量土地列爲訓政時期四大要端之一政府責職所在自應及時籌備用底完成而現有各測量機關之簡陋規模尙未足語此此就總理遺教言不容不力求展拓者一也本年吾黨第三屆第二次中央全體會議鑑於各省測量事業之廢弛測量經費之拮据會議決要案責成參謀本部辦理邊疆測量航空測量並教育測量人材規定測量經費限於十年內迅速測成全國五萬分一地圖訓令昭昭可謂知所先務矣而十年之限蹉跎易過大任當前自非麻木之現狀所能勝此此就中央決議言不容不力求展拓者二也嘗憶民國二年國際測地學會因我國測量事業過於幼稚東亞地形無由確知會議越俎代謀幸經力爭乃止近年科學昌明測器日益改進各國測政之進展亦復日上蒸蒸獨我國自封故步振奮莫由歐西測量公會偶有以成績材料見徵者輒無以應大好

宇宙詎竟獨令遠東久缺此一塊無圖籍無稽考之山河敢信長此不振必復蹈民二之故轍且將無術以自求解脫此就外患言不容不力求展拓者三也然測量之重要雖如前述而各省測量局頹敗之狀幾皆如告朔餼羊僅存一息除粵浙兩省仰賴當政者之賢明未羅停支經費之厄幸得苟延殘喘外其餘各省或月給維持費千元聽其自生自滅或支款機關互相推諉各作癡聾或竟發爲裁汰之議而另立類似之土地機關以自入其範圍當其摧毀更張之初未嘗不執有一詞庸詎知測量廢弛之故不在人才之缺乏乃在經費之困窮窮厥源委咎有攸歸同人等忝習測量久嘆負疚茲幸欣逢參部總局得賢施治之頃爰集內政部土地司長各省測量局局長代表及京內外測量界英才碩德共敘一堂和衷商榷冀收衆擎之效同爲攘臂之呼計前後開會十日到會十八省所有齊標治本各案如二中決議案之推行測量人材之作育航空測量器械之補充教育制度之頒定業務規程之釐訂經費編制之改善土地測量之規劃測量法規之草擬等靡不精詳討論各有決議一俟整理就緒即當呈准施行惟是盡言分屬吾黨取舍權在當途尙祈主政長官赤忱賢達力予扶植用樹大業並勗我萎靡頹散之同儕各懷負荷之艱鉅奮厥精誠戮力共赴謹此宣言

本報代售處

文 明 書 局
 ▲ 南 京
 商 務 印 書 館
 中 華 書 局
 世 界 書 局
 中 央 書 局
 中 國 書 局
 南 洋 書 局

◎鐵道部鐵道公報啓事

本部發刊鐵道公報一種內載鐵道之法規
 命令公牘專載統計及國內外鐵道消息等
 項每月刊發一期內容豐富紀載詳盡凡關
 心鐵道及建設事業者均應購備以資參攷
 每期定價大洋二角半年大洋一元一角全
 年大洋兩元郵費在內凡定閱者請向本部
 鐵道公報或南京各大書局接洽可也

國民政府公報價目表

限 期	價 目	郵 費
零 售	每册三分	國內郵費在內國外及 郵特區加費二分
定 半 年	三元六角	國內郵費在內國外及 郵特區加費二元五角
定 一 年	七元二角	國內郵費在內國外及 郵特區加費五元正

本公報凡星期日或紀念日及一切例假皆照
 例停刊

廣 告 刊 例

頁 數	價 目
一 頁	每 號 八 元
半 頁	每 號 四 元
四 分 之 一	每 號 二 元

刊五號每號按照八折計算刊十號每號按照
 七折計算長期另議
 公報發行所 國民政府印鑄局內
 公報發行所 本京沐府西門五號